










Suppl. A

61967/A

5110



Q

En la

Quele

uq

ri

Pa

Q V E S T I O N

CHIR V R G I C A L E,

En laquelle est proposé, débattu, & finalement résolu par vives raisons,

Que le Chirurgien ne doit iamais pratiquer les operations appellees Periscythisme, & Hyposphathisme.


Par I A C Q V E S D E M A R Q V E.



A P A R I S,

Par D E N Y S L A N G L O I S,
ruë S. Iacques.

M. DC. X.



A T

LO

CO

ses

Ac

P



recog

e Dis

by R

Lain

cy

min

l



A TRES-NOBLE ET TRES-
eloquente personne

MESSIRE

LOYS SERVIN

CONSEILLER DV ROY EN

ses Conseils d'Estat & Priué, & son
Aduocat General au Parlement de
Paris, &c. SALVT.



MONSIEVR

C'est en vous principale-
ment que toute la France
reconnoist aujourd'huy estre vray ce que
le Diuin Philosophe Platon, & apres
luy l'excellent proffesseur de la langue
Latine Cicerõ, ont mis en auãt des arts
& sciences, qu'elles ont quelque lien com-
mun, & sont conioinctes entre elles cõme
il y a en ce ou parentage. Car bien que

EPISTRE

particulièrement vous sembliez attacher
à l'estude du droict & des loix, dont vous
maintenez l'honneur en ce sacro-sain
sanctuaire de Themis qui admire tous
iours les abyssmes de vostre doctrine,
les torrens de vostre eloquence: Nece-
moins ce tres-celebre theatre, non au-
capitale des villes seulemēt, mais de
le monde, sert à estaler les admirables
crets qu'avez descouuert, non en co-
science là seulement, mais encore gen-
lemēt en toutes les autres. Gorgias La-
tin se vantoit autresfois de pouuoir
pondre tout un iour à toutes les ques-
tions que l'on lui pourroit proposer: vostre sa-
sance pourroit vous porter à mesme
rade, si vostre sagesse & modestie ne
en destournoit. Mais mon stile est
bas pour traiter un si haut subiect que
celui de vos loüanges; aussi n'est-ce
chose que i'aye entrepris: bien diray
propos de ce que i'ay aduancé, que ma-
fois i'ay eu l'hōneur de vous entendre
pertinēment parler des poincts de la

EPISTRE

decine & Chirurgie, bien qu'esloignées de la profession qu'auetz embrassée, qu'il sembloit que iamais n'eussiez appliqué vostre esprit à autre chose: & ne fais point de doute de dire, que non seulement celui qui seroit doiue de quelque autre science vous en ayant ouy discourir ne recogneust & confessast le semblable: mais aussi que les plus sçauants & les mieux entendus seront contraincts de l'aduouër ainsi. Quât à la Medecine & Chirurgie (à laquelle ie m'arreste principalement, cela estant de mon gibier) il ne faut pas trouuer estrange qu'y ayez quelque inclination particuliere; veu l'eloquence qui reluit en vous, & les autres sciences qui vous rendent admirable à vn chacun. Car s'il m'est loisible de mendier preuue de mon dire des fictions anciennes, Æsculapius le Dieu de la Medecine, a esté mis au monde, & tiré du ventre de Coronis morte, ou par Mercure Dieu de l'eloquence, ou par Phœbus Prince des Muses: Comme si les au-

EPISTRE

theurs de ceste Fable eussent voulu dire
que tout homme eloquent affectionnoit
ceste science, & que tout homme sçauant
croioit que quelque chose lui manquoit
s'il n'auoit la cognoissance d'icelle. C'est
donc le plaisir que prenez en nostre pro-
fession qui m'a enhardi à vous dedier, &
faire paroistre en public sous vostre nom
ce traicté de deux importantes operatiōs
Chirurgiques que ie pretends reprouuer
par des raisons autant fortes & prei-
gnantes, qu'elles sont recognuës cruelles
& insupportables: Ioint aussi le desir que
i'ay, & auray toute ma vie, de vous tes-
moigner tousiours quelque petite reco-
gnissance de la bien-veillance que m'a-
uez tousiours monstre, & des bien-faits
dont ie vous suis grandement obligé, qui
m'engagent à demeurer perpetuellement,

MONSIEVR,

Vostre tres-humble & tres-
obeissant seruiteur

I. DE MARQUE.



P R E F A C E A V

L E C T E V R.



O M M E ce ne feroit pas assez à celuy qui trauaille en l'Agriculture de labourer, semer, & planter, si avec ces choses il n'estoit curieux, diligent, & soigneus à amputer les superflus & infertils; arracher les espines qui nuisēt & essarter les mauuaises herbes qui offusquēt & empeschēt de profiter les plantes salutaires que la terre nous produiēt: Ainsi n'est. ce point assez à ceux qui font profession de la Chirurgie; & qui s'ëploient pour le biē & vtilité du public à l'eclaircissement & embellissement d'icelle, d'adiouster & rapporter en commun leurs nouuelles cōceptions, ny de multiplier & augmenter le nombre des operatiōs chirurgicales en se taisant de celles qui doibuent estre bannies & ostees hors du catalogue d'icelles: ains aussi il faut qu'ils s'estudient curieusement à retrencher & extirper hors de la pratique ordinaire toutes les operations

qui sont recogneues inutiles & superflües, & arracher les mauuaises instructiōs & opinions qui pourroyent estre entre les ieunes escholiers & estudians en cet art, afin qu'aucuns d'iceux n'entreprennent temerairement des œuures trop perilleuses, en se laissant persuader aux escrits anciens de quelques autheurs. Ce que nous deuons empescher avec autant d'affection, de soing, & de travail, que nous en recognoissons le danger estre grand & preiudiciable. Car comme a dit Damascene en ses Aphorismes, *Ceux que nous medecinons ne sont pierre, bois, boüe, ni cuir, mais l'œuvre de Dieu, d'essence bien tēdre, & grandement precieuse, en quoy la faute est facile, mais bien perilleuse: en sorte que souuent on termine à la mort en plusieurs, &c.* Voilà en somme l'intention pour laquelle i'ay entrepris d'exposer en public ce petit liuret, car ie vous puis asseurer que le deffi qui m'a esté faict par vn petit Docteur assez malotru, qui disoit que les Chirurgiens de ce temps estoient ou ignorants, ou trop timides & craintifs, pour ne vouloir pratiquer le Periscythisme & Hypospathisme, ne m'a pas du tout excité à ce faire: car pour sō regard, il me suffit

uffit de luy auoir respondu ce que disoit vn iour vn grand Capitaine d'un Philoſophe, qui diſcouroit de l'art militaire; Il veut (dit il) parler de la guerre, & n'a iamais ouy le ſon de la trompette. Pour le faire court ie le renuoye au Souffleur de Paré, qui n'auoit iamais ſceu manier que les ſoufflets, & n'auoit oncques appris à iouer du clavier.

Ie me doute bien que l'on me dira que pluſieurs grands & anciens perſonnages nous ont laiſſé par eſcrit la maniere, pourquoy, & comment ces deux operations ſe doiuent executer; & que le ſeul reſpect que l'on doit à leur docte renommee, me deuoit distraire & empescher de leur contredire. Mais ie leur reſpons avec Ariſtote que la verité eſt preferable à toutes ces conſideratiōs; & avec Seneque, que le nom de l'Auteur ne nous doit point eſmouuoir, ains ſeulement ce qu'il dit: Auffi eſt. ce à faire, comme dit Plutarque, à vn cœur laſche & failly, de n'oſer contredire à vne choſe preiudiciable & importante, encore qu'elle ſoit authoriſée de quelques anciens.

Ie diray doncques librement que ſi les

Lacedemoniens s'estudioyēt tāt à la perfectiō des choses, qu'ils ne pouuoient pas mesmes supporter l'imperfection en leurs propres enfans; ains les precipitoient dās vne fondriere pres le mont de Taygete, s'ils leur sembloient laids, contrefaits, flouets, ou autrement imparfaits: Combien à plus forte raison deuons-nous rejeter & bannir arriere de nous toutes ces operations cruelles & inhumaines que quelques anciens ont conceu en leur entendement, & ont enseigné la posterité à les entreprēdre? Je n'ay autre intention que celle là, & prie le Lecteur de receuoir de bonne part ma sincere affection, en attendāt que ie luy donne en main quelque autre œuvre de plus grand prix,, comme i'espere (Dieu aydant) faire bien-tost vn traité des bādages de la Chirurgie avec toutes les figures à ce conuenables. Si ce pendant quelque Aristarque vient icy employer sa mesdisance ordinaire, ie ne m'en soucie, sçachant bien qu'il n'y a rien icy bas qui n'ait son cōtraire: & m'asseure bien que tely apportera la censure de son iugement qui n'en sçauroit faire autant. A Dieu.

Sommaire des Chapitres contenus en ce liuret.

- I. Que c'est que periscythisme & Hyposphathisme
pag. 1.
- II. Comment les anciens pratiquoyent le Periscy-
thisme & Hyposphathisme. pag. 5
- III. Pour quelles intentions les anciens ont inuenté
& enseigné le Periscythisme & Hyposphathisme
pag. 11.
- IV. Pourquoi il ne faut point pratiquer le peris-
cythisme & Hyposphathisme. pag. 16
- V. En quel peril on precipiteroit les malades, en pra-
tiquant sur eux le Periscythisme & Hypospha-
thisme. pag. 30
- VI. Que les Veines qui vont aux yeux, nous en-
seignent assez que le periscythisme & Hypo-
sphathisme ne peuvent de rien servir aux mala-
dies d'iceux. page 43
- VII. Que la teste est partie inferieure en reception
deses vaisseaux, & partant que les parties ex-
ternes & contenant d'icelle, ne peuvent en-
uoyer les fluxions sur les parties qui leur sont
superieures quant à ce regard. page 50
- VIII. Que le Periscythisme & Hyposphathisme ne
peuvent empescher les humeurs de fluer sur les
yeux. page 59
- IX. Que le Catharre, pour lequel les anciens pra-
tiquoient le periscythisme & Hyposphathisme, ne
se faisant point par les vrines & arteres, de-
monstre assez que telles operations sont autant

vaines & inutiles que nous les auons declarées
cruelles.


page 70

X. Que la beauté qui apparoiſt en la face, & la
difformité qui demeure apres le Periscythisme
& Hypoſpathisme, nous doiuent empescher de
les pratiquer.

pag. 84

XI. De quels remedes le Chirurgien doit vſer au
lieu de Periscythisme & Hypoſpathisme. pag 93

XII. Conclusion de tout ce que deſſus. page 98



*Peri-
stychismos*



Hypospathismos





QUESTION

CHIRURGICALE,

En laquelle est proposé, debatü, & finalement resolu par vñes raisons :

Que le Chirurgien ne doit iamais pratiquer les operations appellees Periscytisme, & Hypospathisme.

Par IACQUES DE MARQUE.

1. *Que c'est que Periscytisme & Hypospathisme.*



OMME il n'est pas bon de recevoir & approuver les choses auparavant que de les cognoistre, & sçavoir au vray qu'elles elles sont : ainsi n'est-il pas raison-

A

nable de les reietter & condamner, si nous ne sommes premierement bien entendus & suffisamment instruits en la cognoissance d'icelles. Pour ceste raison, puis que nous auons entrepris de reprouuer la pratique des operations que les Grecs ont appellees *Periscytisme* & *Hypospathisme*, il est expedient, voire necessaire, auant toute autre chose, de declarer que c'est, comment elles estoient anciennement pratiquees, & pour quelles intentions elles se faisoient; puis nous parlerons des raisons qui nous en defendent l'vsage.

Que c'est que
Periscytisme.
 Voyez Paul
 Eginette li-
 re 6. chap. 7.
 4^ece liure 2.
 r. 3. chap. 91.
 Albucasis li-
 re 2. chap. 5.
 Jourmelen li-

Periscytisme est vne espeece de diereese, qui se fait en la partie superieure du front, penetrante iusques à l'os, & comprenant depuis vne des temples iusques à l'autre: Ceste operation a receu

son nom de *peri*, que l'on dit en Latin *circum*, à raison que telle incision est de figure ronde & circulaire en forme de couronne. Le reste du mot vient de *Scythis*, qui signifie vn *Scythe*, ou vn ferrement qui sert à raser ou rondre: Car les *Scythes* auoient de coultume de couper & escorcher la teste de leurs ennemis, & se seruir de la peau au lieu de seruiettes, & du crane au lieu de verre. D'où vient que quelques vns disent, *Periscyphismos*, par ce que *Scyphos* en grec, signifie la coupe d'une tace, à laquelle ressemble fort le crane renuersé, qui pour ce respect est appelé *Scyphion*. Tellement que le verbe *perischythizo*, signifie proprement couper la peau avec les cheueux, raser à la façon des *Scythes*, & en general, escorcher. Il peut aussi venir de *Scyros*,

ure 2. des oper.
manus.

D' Alechamps
au comment.
sur le 7. chap.
du 6. liure
D' Aeginette.

qui signifie cuir & peau, que quelques vns prennent pour celle qui est le long du front & des sourcils, & quelques autres pour toute la peau de la teste.

*Que c'est que
Hypospathisme,
sans voir
encor Agnes-
te au mesme
liure chap. 6.
Et d'Albe-
champs au cō-
mentaire
Albucasis li-
ure 2. chap. 4.
Constantin
chap. 12. de sa
chirurgie.
Courmelen au
mesme lieu.*

Hypospathisme est vne autre es-
pece de diereze qui se fait au frōt,
par trois incisions ou taillades
longitudinales, penetrantes ius-
ques à l'os, & esgales en longueur
& distance. Le nom vient de *hypo*,
qui signifie en Latin *sub*, & de
spathion, ou *spathi*, ou *spatha*, qui est
vn ferrement qu'ils mettoient
deffoubs le cuir en l'operation,
qu'ils appellent autrement *spa-
thomele*. Il ressemble fort à nostre
spathule vulgaire, si elle n'auoit
en largeur que la moitié de son
extremité. Mais delaissons là tou-
tes ces ethimologies, & entrons
plus auant en la cognoissance de
la chose, & voyons de quelle fa-

CHIRVRGICALE. 5

con ils procedoient à l'execution d'icelles operations.

II. Comment les Anciens pratiquoient le Periscytisme & Hypospathisme.

Nous apprenons d'Hipocrate & Galien, qu'en toutes operations chirurgicales, l'un des principaux poincts que nous devons sur toute chose soigneusement entendre, & curieusement observer, c'est la maniere, l'industrie, & artifice qu'il nous convient apporter en l'execution d'icelles : Voila pourquoy les Auteurs qui nous ont voulu enseigner à pratiquer le Periscytisme & Hypospathisme, ne se sont pas oubliés de nous en escrire tout au long, la maniere, façon & cōment ces deux sortes d'operations se

*Au premier
livre de l'offic.
sent. 6.*

*Au comment.
& sur la 23.
particule du
mesme livr.*

*Pour sçavoir
la maniere de
faire ces deux
operations, voyez les au-
teurs susdits
en tous les
lieux costez de
la marge, Cel-
se en dit quel-
que chose, li-
vre 7. chap. 7*

doiuent executer. C'est ce que nous auons à demonstrier & reciter en ce lieu, afin que leur maniere d'operer en ces deux especes d'operations, nous exorte & admoneste de foy-mesme, de iamaïs n'entreprendre sur homme viuant telles cruautez.

*La maniere
d'operer au
Periscytisme
des anciens.*

Premierement doncques pour faire le *Periscytisme*, apres auoir rasé la teste depuis la fontanelle, iusques au front & aux temples, ils marquoient l'endroit où se deuoit faire l'incision transuersaire, laquelle ils faisoient en la plus haute partie du front, ou vn peu au dessus, ou dans le front mesme, comme veut Leonides, & commençoient en la temple dextre, & finissoient en la fenestre, coupant la peau & tout ce qui est au dessous iusqu'à l'os, puis en separoient le pericrane, & dilatoient

CHIRURGICALE. 7

la playe avec charpie le pl^r qu'ils pouuoient, & finalement y appliquoient medicaments tels qu'ils pensoient estre propres à leur intention. Et quelques iours apres ils racloient l'os iusques au sang, pour oster ce qui pouuoit estre alteré de l'air, du medicament, & de la sanie, puis paracheuoient la cure comme aux autres playes de la teste. Que si le Catharre (cōme ils disoient) tomboit aussi sur les yeux par les veines des tēples, ils faisoient encores deux autres taillades en forme de croissant ou demy cercle, commençant vne chacune d'icelle à l'extremité de l'incision transuersaire, & descendant vers les sourcils & les temples, sans toucher à leurs muscles, venoient à rencontrer les coins d'embas du front, en aduancant & faisant tourner les

pointes des incisions, selon quelques vns, en dedans iusques au milieu du front, & selon quelques autres, estoient tournees en dehors vers les temples, ayant le dos des incisions en dedans, & les cornes en dehors. Voila la belle & delicate couronne dont ils honoroient les vieux & miserables chassieux.

*Comment ils
faisoient l'Hy-
pospathisme.*

Mais ceux qui estoient plus curieux, & scrupuleux d'offenser la beauté des malades, pour ne delaisser vne si grande deformité, aymoient mieux vser del'*Hypopathisme*, encores que ceste operation fust de plus longue aleine, plus difficile à faire, & plus douloureuse & insupportable au malade: voicy comment ils y procedoient. Ils faisoient assoir le patient en vn lieu clair, & ayant rasé le poil, ils faisoient trois incisions

fions droites sur le front iusques à l'os, esgales en longitude, & en distance, assauoir deux doigts en longueur, & esloignees de trois doigts les vnes des autres, sans toucher aux muscles crotaphites; puis ils separoient le pericrane d'auecques l'os, avec vn ferremēt espatulaire, qu'ils pouissoient de l'incision fenestre iusques à celle du milieu du front, & d'icelle de rechef ils menoient & auançoiet le mesme ferrement iusques à la taillade du costé droict, en separant aussi le pericrane. En apres & tout soudain ils mettoient dedans la playe gauche vn autre instrument, que les Grecs appellent *Scolopomacherion*, qui ne ressemble pas mal à nos caniuets ou trancheplumes, qui a le dos & la pointe rabattue & rebouchée: & tournant & faisant toucher le

dos d'iceluy à l'os, & le tranchant vers la peau, ils le pouffoient iufques à la taillade du milieu, coupant transfuersairement le pericrane, le muscle peaucier ou frontal, & les veines & arteres, fans toucher à la peau, laquelle ils delaiſſoient entiere entre les eſpaces des incifions. Ils en faiſoient par apres autant depuis la playe du milieu, iufques à celle du coſté dextre. Et ayant laiſſé couler quelque quantité de ſang, & eſſuyé les playes, ils y appliquoient les remedes qu'ils penſoient eſtre propres, & pourſuiuoient la guerifon à la maniere des autres playes de la teſte. Vous voyez par là de quelle curioſité & delicateſſe ils s'employoient à la conſervation & entretien de la veuë offenſee : mais cela n'eſt encores aſſez, il faut voir pour quelles inten-

tions ils vsoyent de ces remedes si cruels, & quelles sont les raisons qui les incitoient & esmouuoient à les executer.

III. Pour quelles intentions, les Anciens ont inuenté, & enseigné le *Periscytisme* & *Hypo-spathisme*.

PVis que la Chirurgie a pour son but & sa fin la possession & iouyssance de la santé, il s'ensuit necessairement que toute l'intention du Chirurgien doit estre entierement dirigee & tendue à chercher tous les moyens à luy possible pour y pouuoir paruenir. Si doncques les Anciens ont inuenté, ordonné & enseigné la pratique du *Periscytisme* & *Hypo-spathisme*, il faut croire qu'ils l'ont faict pour vne bonne fin &

Galien au comment. sur la 1. sent. du 1. liure de l'offic. & delà dernière lecture à Trajibule.

intention, & qu'ils ont creu pou-
 uoir apporter du soulagement
 aux malades, par les effects qu'ils
 pensoient & croyoient deuoient
 succeder apres l'execution de ces
 remedes. Et combien qu'ils fu-
 soient trompez en ceste croyan-
 ce, comme la raison le certifie
 nous ne delaisserons neantmoins
 de reciter leurs raisons, afin qu'e-
 stant cognuës & comparees avec
 les nostres, on puisse par apres en
 faire vn iugement plus salubre
 & certain : Voyons doncques
 quelles elles sont.

Fait voir E-
gnette liure

6. chap. 7. Aë-
ce liure 2. ser.

3. chap. 91.

Albucasi. cha.

4. & 5. du 2.
liure.

Gourmeleu au
2. liure de la
guide des chi-
urgiens.

D'Alechamp

Quand ils ont veu que les ma-
 lades estoient incessamment tour-
 mentez de longues & vehemen-
 tes fluxions & catarrhes d'hu-
 meurs chauds, subtils & acres,
 qui leur couloient sur les yeux,
 accompagnés de douleurs violen-
 tes & tresperçantes, tant en iceux

que par toute la teste, & iusques au plus profond d'icelle, qui les faisoient souuent esternuer : & que les yeux deuenoient amoin-
dris & extenuéz par priuation de nourriture : & les paupieres vlce-
rees & eschauffees par l'acrimo-
nie, aspreté & pointes des rui-
seaux de larmes qui decouloient
sans cesse, avecques cheutte de
poil du cil & des sourcils, & rou-
geur en la face. Et apres auoir re-
cognu que les medicaments n'y
profitoient de rien, & croyant
que la fluxion se faisoit par les
vaisseaux qui descendent de la te-
ste aux yeux, ils ont entrepris de
couper totalement lesdits vais-
seaux en la maniere que nous a-
uons dit cy dessus, & empescher
qu'ils ne se reunissent ensemble,
afin qu'au milieu de leur diuisió,
il s'engendre vne chair calleuse,

*en sa chirurgie
françoise sur la
6. & 7. chap.*

pour clorre chemin, & faire obstacle à la fluxion : par ce moyen ils pensoient deliurer & garantir les yeux de ceste fluxion fereuse, subtile, acre, chaude, & corrosiue qui les tourmentoient.. Voila en bref les causes & raisons pour lesquelles ils ont trouué bõ la pratique du *Periscythisme*, & *Hypospastisme*. Celse recite qu'ẽ la Grece il se trouuoit des Medecins qui faisoient neuf incisions en la teste, assauoir deux en droite ligne sur la partie posterieure de la teste, & par dessus icelles vne transuersiere, deux droites au dessus des oreilles, & vne autre de trauers au dessus d'icelles, trois autres selon la longueur du corps, entre le sommet de la teste & le front. Il recite aussi que quelques vns faisoient vne incision sur le *Sinciput*, depuis vne

Liure 7. chap.
7.

La mesme.

CHIRURGICALE. 15

temple iusques à l'autre, qui n'est, selon d'Alechains que le *Periscythisme*, comme les neuf incisions, ne representent que la cruauté de l'*Hypospathisme*: Mais par la lecture de Celse, il apparoist seulement vn recit de ce que d'autres faisoient, & non pas qu'il approuue ou qu'il conseil- le de faire de mesme. Il est bien vray qu'il ordonne quelques autres sortes d'incisions pour mesmes intétions, comme a fait aussi Hypocrates deuant luy: mais le tout sera proposé & debatú plus amplement par les raisons suiuañtes, que nous allons tout maintenant proposer & estaler en gros, pour puis apres les traicter & alleguer en particulier les vnes apres les autres; afin que l'on recognoisse apertement & euidement que nous auons iuste occa-

*Au 2. de mor-
bis.*

sion de nous opposer cõtre ceux
qui voudroient ainsi cruellement
& sans vtilité tourmenter les pau-
ures malades.

*IIII. Pourquoi il ne faut point
pratiquer le Periscythisme &
Hypospathisme.*

*Au 14. liure
de la therap.
chap. 13.*

Toutes les operations de Chi-
rurgie, selon Galien, doi-
uent estre faictes sous l'obserua-
tion de trois conditions, qu'il faut
nécessairement ensuiure. Premie-
remēt de les executer le plustost,
& le plus promptement que faire
se pourra: afin, comme dit Hip-
pocrates, que l'œuure soit dili-
gemment expediee, principale-
ment quand elle est douloureux-
se. Secondement c'est qu'elles
doiuent estre faictes seurement:
ce qui se fera en accomplissant

*Au premier
liure de l'offic.
sent. 23. &
sent. 1. du 2.
liure.*

trois

trois autres conditions, c'est assa-
 uoir: de guerir le patient, & le de-
 liurer de la maladie pour laquel-
 le l'operation se fait: que si elle
 n'est guerissable, à tout le moins
 il ne faut point nuire au patient,
 en luy causant temerairement vn
 pire accident que le premier: puis
 faut sur tout empescher que le
 mal ne reuienne. Tiercement il
 faut operer plaisamment, ioyeu-
 sement, & sans douleur, c'est à di-
 re, le moins qu'il sera possible, car
 il n'est pas bon, en pensant faire
 le fidele & courageux Chirur-
 gien, d'estre cruel & destruire le
 malade en mesprisant ou negli-
 geant la douleur qu'il souffre, la-
 quelle par sa grandeur & lon-
 gueur vient à dissiper & abbatre
 ses forces. C'est pourquoy Gui-
 don dit que cela sauue le malade
 seulemēt, & ne le destruit point,

*Galiē au mē-
 me lieu de la
 methode.*

*Hippocrate là
 me/mē.*

*Au chapitre
 singulier.*

qui n'est ny flatteur, ny cruel, tenant vne telle mediocrité que la raison & la santé le requierent.

Maintenant il nous faut clairement faire voir à vn chacun, comment il est impossible de pouuoir mettre en execution le *Periscythisme* & *Hypospathisme*, en obseruant les trois preceptes & conditions susdites: & que la pratique d'icelles operations est entierement & absoluëment contraire & opposee aux bons & salutaires documents & aduertissemens qui nous y sont demonstrez & enseignez.

*Que la longueur
des temps qu'il
faut employer
à executer les
operations d'icel-
le est icy questio-
est insupporta-
ble.*

En premier lieu, il faut noter que la grande lōgueur du temps qu'il faudroit employer en l'operation, & à la guerison des grandes playes faites par le Chirurgien, est totalement contre le premier precepte, qui nous cōmā-

de d'operer tost, & de guerir promptement: car au parauant que les incisions soient faites, & que l'on ayē passé les instrumens d'une playe à l'autre, comme il faut faire en l'*Hypospathisme*, & que toutes les reprises qu'il conuient faire d'un lieu à l'autre, pour inciser & separer la chair & les extremittez des vaisseaux coupez, que les os ayent esté raclez, & le flux de sang arresté, il se passe vne si longue espace de temps, que ie ne pense pas qu'il se rencontre des malades qui le puissent souffrir, ny auoir vne si longue patience. Et quand bien on auroit lié & garotté le patiēt à force de lacqs & de machines, ou qu'il fust tenu par plusieurs hommes forts & puissans, ie ne puis penser autrement, que quiconque l'entreprendroit, qu'il demeureroit au

milieu de son operation sans la pouuoir paracheuer. On me dira peut-estre qu'il y a d'autres sortes d'operations en Chirurgie, autāt longues à executer, que celles dont nous parlons, lesquelles neantmoins les malades endurent patiemment, comme de trepaner, tirer la pierre hors de la vefcie, d'amputer vn membre, &c. Je respondray que nulles d'icelles ne font si longues à executer : & quand bien il arriueroit qu'en quelques vnes il arriuaft vne longueur & extraordinaire, à cause de quelque difficulté qui suruiendroit en operant, elles font neantmoins beaucoup plus supportables, ne & font pas accompagnées de douleurs continues & intollerables, comme celles dont nous traictons icy:esquelles depuis le commencement iuf-

ques en la fin de l'œuure, il n'y a point du tout de relache au tourment.

Dauantage quand la chose se feroit sans peril (ce qui ne se peut) quelle apparence y auroit-il d'excuter vn remede qui delaisse apres soy des maladies qui ne peuvent estre gueries, que par vne longue espace de temps apres? Car puis qu'il faut faire reengendrer vne substance nouuelle sur l'os, pour remplir toute la distance qui demeure entre les labies des playes, & que le fond de la chair doit prouenir & prendre racine de l'os: tant s'en faut que trois mois y puissent suffire, qu'il demeurera des vlceres longues, rebelles & contumaces aux remedes, à raison que l'humeur subtile, chaude & corrosiue qui souloit tomber sur les yeux, abbre-

uera & irritera de telle sorte les incisions, que de playes qu'elles estoient, elles degenereront en vlcères malings & cacoëthes, qui ne se gueriront peut-estre iamais, & delaisseront les malades toujours accompagnez d'extremes douleurs qui augmenteront & entretiendront celles qu'ils auoient premierement aux yeux. Voila doncques comment lesdictes operations ne peuuent estre executees sous l'observation du precepte d'Hyppocrates, assauoir d'operer & guerir tost, promptement & alaigrement. Voyons maintenant si telle pratique se peut faire seurement.

*Qu'il n'y a point de seu-
reté en la pra-
tique des ope-
rations dont
est icy questio.*

Pour le second poinct, ie puis dire libremēt & avecques verité qu'il n'y a aucune assurance en la pratique de ces deux operations: ains au contraire, il s'y re-

cognoist tout apertement vn peril eminent, dans lequel on precipite miserablement & temerairement la vie des pauvres malades. Que si la mort ne s'en ensuit à quelques vns, ils ne peuuent neantmoins iamais guerir de la maladie des yeux, pour laquelle telles operations s'entreprennēt, comme nous prouuerons amplemēt cy apres, par raisons & demonstrations tāt anatomiques, que medicinales: delaisant en outre des marques & deformitez insupportables & irremediabiles. Si on dit que plusieurs autres operations de Chirurgie sont de mesme nature, & qu'aucunes d'icelles causent bien souuent la mort, ou delaissent le corps malade estropié & mutilé en ses membres: le responds que telles operations s'excutent al'extremité, & quand il

n'y a point d'autres voyes pour guerir & soulager le malade, & en telle necessité, veuille ou non, il faut, selon Celse, qu'il passe par la rigueur du remede: mais au faict dont est icy question, il n'y a point danger de mort en la maladie que l'on veut entreprendre de guerir: & s'il y a en outre grand nombre de remedes pour en soulager ceux qui s'en trouueront affligez, comme nous les proposerons icy apres vers la fin. Que s'il s'en trouue aucun à qui le mal ne puisse estre totalement osté, nous auiserons d'adoucir la rigueur & violence de la cause, & des symptomes par remedes si doux, si benigns & gracieux, que nous en ferons, & obtiendrons vne cure palliative, laquelle par apres donnera vn tel soulagement & repos au patient, que le reste
du mal

du mal luy sera facile à supporter, fuiuant le dire commun, que

*L'office du bon Medecin,
Est de guerir la maladie:
Que s'il ne vient à ceste fin,
Au moins faut-il qu'il la palie.*

Voyons pour le dernier chef, si la troisieme condition requise en nos œuures, se peut trouuer en l'exercice de celles cy. Il faut operer, dit Hyppocrates, plaisamment, ioyeusement & sans douleur, s'il est possible; & faut, cōme adiousté Galien, que nous operions en telle sorte, que nos œuures soient non seulement agreables à nous mesmes: mais aussi qu'elles agreent & plaisent aux assistans en les voyant faire, & qu'elles soient tollerables & supportables. Quand au regard de nous mesmes, ie ne pense point qu'il se trouue aucun

Q'en ces operations on ne scauroit contenter ny le malade, ny les assistans & non pas seulement nous mesmes. Au premier liure de l'officine.

Chirurgien qui voulust ou osast
entreprendre mettre à fin telles
operations, quelque adroit, har-
dy, & asseuré qu'il fust, si ce n'e-
stoit quelque inhumain, temerai-
re ou mal aduisé, & ignorant en
la science & art de Chirurgie: Que
s'il s'en trouuoit quelqu'un, il me-
riteroit à iuste occasion, non seu-
lement d'estre banny & chastié
par quelque reparatiō ou amēde
arbitraire, mais aussi d'estre à bon
droit lapidé & meurtry, comme a-
tort fut le Chirurgien Arcabuto
dans le chap de Mars, cōme reci-
te le Nepueu de Plutarque. Pour
le regard des assistans, quel d'en-
tre eux ne fremiroit & ne trem-
bleroit d'horreur, & de crainte au
seul commencement de ces ope-
rations? S'en trouueroit-il qui
voulussent tenir le malade cepē-
dant qu'ainsi cruellement &

bourrellemēt on le gehenneroit
& tourmenteroit? Les plus robu-
stes & asseurez seroient contrains
de tout abandonner, les autres
demeureroient terrassez & abba-
rus de l'hypothimies & syncopes.
Que seroit-ce doncques du ma-
lade à qui telles choses importēt
& touchent de si près? Quand la
douleur est tollerable, elle se
peut endurer pour vn temps,
mais encorc se rēd elle ennuyeu-
se & insupportable quand elle
est trop longue, comme sont cel-
les-cy

On dict bien que Caius Ma-
rius, ayant des varices aux iam-
bes, qu'il bailla celles d'un costé
au Chirurgien, sans este lié ny te-
nu de personne, & qu'il endura
tellement l'operation, qu'elle
fut acheuce sans soupirer, ny frō-
cer les sourcils, ny monstrier au-

*Plutarque au
tracté des dits
notables des
Roys, Princes
& Captain.*

cun signe de douleur quelque grande & longue qu'elle fust: mais il ne voulut jamais laisser toucher aux varices de l'autre jambe, disant que la douleur qu'il auoit soufferte, estoit si grande qu'elle estoit indigne d'auoir abusé de sa longue patience. Or telle douleur n'est rien en comparaison de celle dont est icy question, ny en nature ny en longueur: car celle là en comparaison est courte & bien tost passée, & qui se peut endurer: & celle cy est sans fin, & enragée. Mais diray on, tant d'Auteurs les ont escrites & enseignées qui sont des plus fameux & renommez entre les Anciens: le leur respons, que

Celuy qui braue veut, faire la Chirurgie,

Il faut qu'il soit habile, accord, industriex:

*Et non pas seulement qu'aux liures
il se fie ,*

*Soyët François, ou Latins, ou Grecs,
ou Hebrieux.*

Et pour conclusion i'allegueray
l'opinion de M. Paré, vn des meil-
leurs & plus experimenté Chi-
rurgien de nostre siecle, & tant
curieux & soigneux des œuures
de Chirurgie, que iamais il n'eust
failly à pratiquer ces operations
s'il eust trouué ce remede profi-
table. Voicy ce qu'il dit en son A-
pologie contre Gourmelen (pour
ce qu'il en auoit escrit la maniere
de les faire.) *Vous auez*, dit-il, *mis*
de mot à mot ce que Paul Aeginette a
escrit du Periscythisme, & sans rien
desguiser, qui monstre apertement que
vous estes vn vray plagiaire : Or ie
n'enseigne pas vn tel genre de remede si
cruel, ains instruits l'operateur tāt par
raison, autorité qu'experience, du seur

moyen de remedier à telles affections, sans bourreler ainsi les hommes, &c.

Et vn peu au dessus parlant au mesme Gourmelen, dit ainsi; quant à ce que me reprochez que ie n'ay pas escrit en mes œuvres toutes les opérations de Chirurgie que les anciens escriuent, i'en serois bien marry: car si ie l'auois faict, à bon droit me pourriez appeller Carnifex. Je les ay laissées, dit-il, pour ce qu'elles sont trop cruelles, & ay voulu ensuiuir les modernes, qui ont moderé telle cruauté, &c.

V. En quel peril on precipiteroit les malades, en pratiquant sur eux le
Periscytisme & Hypo-
spathisme.

LEs maladies, qui consistent principalement en solution de continuité, sont recognuës estre grandes, perilleuses, & mor-

telles en trois manieres, ainſi que nous apprenons de Galien en plusieurs lieux de ſa methode : c'eſt aſſauoir, ou pour l'excellence, nobleſſe & principauté de la partie affligee & vulnerée : Ou pour la grandeur & magnitude de la ſolution de continuité, laquelle conſiſte en longueur, largeur, & profondeur: Ou pour ce que le mal eſt de condition maligne, rebelle, & ſubiect à cauſer de mauuais & perilleux ſymptomes. En toutes ces trois manieres nous recognoiſſons que le malade ſur lequel le *Periſcythiſme* ou *Hypoſpathiſme* auroit eſté pratiqué, ſeroit en peril apparant de mort: que ſi ce n'eſtoit neceſſairement, au moins ſeroit-il en ce danger, & n'en pourroit eſtre tiré dehors qu'avec vne diligente & ſoigneuſe cure, ſans parler de la miſere

*Al. 4. liure
chap. 6. & au
liure 7. chap.*

*12.
Guidon traité
3. doct. 1. cha. 1.*

en laquelle il demeureroit le reste des iours qu'il auroit à viure. C'est ce qu'il nous faut tout presentement prouuer, afin qu'en representant vn si grand danger, nous puissions de nostre part empescher & admonester les ieunes Chirurgiens de n'entreprendre iamais vne œuvre si penible & scandaleuse pour eux: & pour intimider les malades à ne souffrir la cruauté d'une chose où il y va du peril de leur vie, sans aucune esperance de santé.

*Culture des
playes de la
teste.*

Pour la probation du premier peril qui despend de la principauté de la partie, nous disons avec Hyppocrates, que toutes playes qui sont en la teste, quelques legeres & petites qu'elles soyent, sont perilleuses, encores qu'elles ne fussent qu'au cuir cheuelu: à cause que la teste est le
princi

principal siege & domicile de l'ame, la source de tous les sens, origine des nerfs, & principe de la faculté sensitiue & motiue. Que si les parties plus esloignees sympathisent en telle sorte avec le cerueau, que bien souuent la mort suruient aux playes, à cause de la communication & sympathie qu'elles ont avec iceluy: que sera-ce doncques de celles qui sont en la teste? Quelque Ancien a appellé la teste tout l'homme, par ce qu'il auoit recognu qu'en icelle consistoit la conseruation & entretien de toutes les autres parties du corps. D'où vient que Galien luy donne la souueraineté & principauté sur tous les autres membres de l'homme, comme aussi ont faict plusieurs autres auteurs avec luy. Le peril dont nous parlos icy est bien en

*Galien au 8.
liure de l'usage
des parties,
& au 9. de la
methode.*

*Platon en son
Timee.*

*Au premier
liure des ma-
ladies aiguës.*

*Lactance Fir-
mian au liure
de l'ouurage
de Dieu.*

*Sent. 6. du li-
ure des blessu-
res de la teste.*

toute la teste quand elle est vul-
neree, mais il est encores plus
grand en la partie anterieure d'i-
celle, là où se fait le *Periscythisme*
& *Hypospathisme*, ainsi qu'a fort
bien remarqué Hypocrate, à rai-
son qu'en cet endroit, le cerueau
est plus proche du coup, & qui
par consequent sent plustost le
mal, que les parties externes em-
ont souffertes.

*De la grâdeur
de la playe.*

Mais delaissons là l'excellence
de la partie (combien que ce soit
le principal) & ne considerons
seulement que la grandeur de la
playe, qui se faict au *Periscythis-
me*, & la pluralité de celles qui se
font en l'*Hypospathisme*, qui par a-
pres sont coniointes en semble:
Il n'y a Chirurgien au monde,
pout peu qu'il soit entendu en
l'art de Chirurgie, qui ne iuge a-
uec nous, que la seule indication

que nous prendrons de la magni-
tude de la solution de continuité,
tant en l'estédue de sa longueur,
qu'en la distance de sa largeur, &
de sa profondeur qui est iusques
à l'os, qui mesme en demeure
interessé, nous doit faire iuger
par vn prognostic certain, que
ces deux operations sont ou mor-
telles, ou pour le moins grande-
ment perilleuses. Que si vne
playe faite en vne extremité,
comme aux bras ou aux iambes,
& qu'elle fust d'une telle gran-
deur qu'elle eust besoin de futu-
re, & qu'outre cela elle fust ac-
compagnée d'hémorrhagie; qui
ne dira que telle playe est ou
mortelle, ou tres-dangereuse? A
plus forte raison conclurons nous
que les playes qui sont faites en
executant les deux operations
mentionnées, seront fort peril-

*Guidon traité
3. doct. 1. chap.
1.*

*Tagant au 2.
liure de ses in-
stit. de Chirur-
gie chap. 3.*

leuses: veu qu'en icelles non seulement le cuir est incisé, mais aussi si les muscles, les nerfs, les veines, & les arteres sont toutes coupees transversalement, & le pericrane tout deschiré & dilaceré, & tout cela depuis vne des temples iusques à l'autre. Quelle apparence doncques y a-il de precipiter vn malade en tel danger?

*De la mau-
uaise morige-
ration.*

Ce n'est pas encores tout, il y a vn autre peril qui despend de la mauuaise morigeration de telles playes, d'où suruiennét de grâds & fascheux symptomes, qui peruertissent & changent entiere-ment tout ordre de curation; & qui forcent le Chirurgien de delaisser la propre guerison, pour suruenir à combattre & remedier à la grâdeur & malignité d'iceux: car d'une part se presente vn grâd flux de sang, tant venal qu'arte-

rial, qui menace d'une mort soudaine, si promptement il n'est arresté, & toutes fois ie ne voy point dans les Autheurs qui traitent ces operations, aucun remede pour y donner secours: ils disent bien qu'il faut laisser couler le sang iusques à quelque quantité, pour descharger tant les parties mandantes que les receuantes: mais ils ne disent pas que bôgré mal gré eux, il en sort vne grande quantité, & beaucoup plus qu'ils ne voudroient, à raison que les operations sont longues à executer, & que pendant le temps que l'on employe à telles œuuures, le malade aura perdu du sang en quantité suffisante pour le faire passer de la vie au trespas: car il est tres-certain que la charpie ni les medicaments astringens & repercussifs qu'ils en-

seignent, ne sont assez capables d'eux-mesmes, pour y donner le secours necessaire, ains faudroit auoir recours, ou à la ligature des vaisseaux, ou aux cauterés actuels, l'usage desquels estoit fort frequent entre eux, voire pour moindre occasion que celle-cy.

*Paul Agnet-
relivre 6. en
la fin du 5. cha.
Leonides en
faisoit de mes-
me. de ce liure
3. sect. 2. chap.
93.*

Ils ne vouloiēt pas toutesfois ou-
vrir les arteres des temples, sans
adiouster le feu avecques le fer,
pour la crainte qu'ils auoient de
l'hemorragie, & cependant ils
entreprenoiēt d'ouvir plusieurs
veines & arteres par tout le front
& *sinciput*, sans parler du peril qui
prouiendra d'une si grande perte
de sang: Paré autāt hardy en cho-
ses seures qu'ils estoient cruels en
choses douteuses, n'a pas oublié
d'instruire le ieune Chirurgien,
en faisant quelque incision en la
teste, specialement pour donner

*Livre 10.
chap. 4.*

place au trepan, d'auoir vne es-
guille enfilée toute preste, afin
d'en lier le vaisseau qui pourroit
estre couppe en faisant ladite in-
cision. Or en ces operations dont
nous parlons icy, tant s'en faut
que l'on euite l'ouuerture des
vaisseaux, que c'est la principale
intention en ces œuures, de les
inciser totalement, & le plus
grand nombre qu'il se pourra, a-
uecques expresse intention de ne
les laisser iamais reioindre & reu-
nir ensemble. Je croy tant d'eux
que s'ils eussent sceu & entendu
la prattique que nous auôs main-
tenant de lier les vaisseaux, qu'ils
n'eussent oublié de nous en dire
quelque chose ; mais n'ayant
point d'autre remede plus assen-
ré que le feu, comme il nous ap-
paroist en toutes leurs cures, &
pratiques : Ils ont faict conscien-

ce, comme ie croy, d'adiouster ce cruel remede à vne autre plus grande cruauté : ou bien ils ont voulu entendre tacitement que l'operateur y auroit recours en ceste vrgente necessité.

Mais ce n'est pas du tout de là que ie veux icy représenter la mauuaise morigeration de telles playes ; c'est aussi du danger eminent de fiebure, de resuerie, & de cōuulsion que ie voy, ce me semble, arriuer à tous ceux sur lesquels ces operations seroient exectees : Qui est celuy qui doute que la grande douleur (comme celle cy entre toutes les autres) ne puisse causer la fiebure, & d'icelle la resuerie, (ou plustost & auant tout autre accident) la cōuulsion, & qu'icelle estant suruenue, qui ne die avec Hippoc. qu'il n'ya plus d'espoir de santé? Le pericrane

*En l'Aphorif.
2. du 5. liu.*

crane n'est-il pas assez sensible pour communiquer la lesion au cerueau, luy qui n'est autre chose que la substance de la dure-mere prouignee & estenduë exterieurement sur le crane? Ouy certes & chacun sçait bien que l'vne des raisons pour lesquelles il nous est defendu de trepaner sur les sutures, c'est la crainte que nous deuions auoir de deschirer & rōpre avec les dents de la scie, les petits filets nerueux qui naissent de la dure-mere, & sortent par ces endroits pour faire le pericrane. D'auantage il est ineuitable à celuy qui entreprendroit telles œuures que les nerfs de la troisieme paire disseminés & estendus par tout le front, qu'ils ne fussent par luy entierement coupez, d'où peut proceder paralysie aux muscles lesquels il s'inferent. D'autre-part il y a vn grand danger de fluxion

*Hippo. l. 1. c. 29.
sent. 29. Et
du lūre des*

playes de la teste.

Vidus Vidus au commentaire.

& inflammation : car quand ainſi ſeroit que la teſte ne fuſt ſubiection à receuoir fluxion , comme a dit quelque ancien, ſi eſt-ce, ſelon luy-mefme , que le front y eſt expoſé, & fort ſubiet comme la raiſon & l'experience le demonſtrent ; & comme nous prouuerons encore plus amplement cy apres. Nous concluons doncques en ce chapitre que puis qu'il eſt ainſi, que la playe pour eſtre en vne partie noble & principale , eſt pour ce ſeul regard eſtimee dangereuſe & mortelle : & que d'ailleurs vne autre playe en partie ignoble & ſeruâte emporte quāt & ſoy du peril, quand elle eſt longue, large & profonde : Comme vne autre faiet auſſi pour petite qu'elle ſoit, ſ'il y a de la malignité & mauuaiſe morigeration : A plus forte raiſon ſeront mortelles & perilleuſes les playes faites par

le periscythisme, & hypospathisme : puis qu'elles ont toutes ces trois conditions, à sçauoir, d'estre en vn membre noble & principal qui est la teste : d'estre grande selon toutes les dimensions, & qu'elles sont suiuiues de symptomes funestes & dangereux.

VI. Que les veines qui vont aux yeux, nous enseignent assez, que le periscythisme & hypospathisme, ne peuuent de rien seruir aux maladies d'iceux.

COMME l'une des plus grandes utilités que nous receuons de la cognoissance des parties de nostre corps, est que par ce moyen nous cognoissons les indispositions qui blessent ou empeschent en quelque sorte, les actions & vtilitez d'icelles : ainsi & le plus

*Galien au 17.
liure de l'usage
des parties
chap. 2.*

souuent par la mesme voye de
l'anatomie, nous pouuons iuger
quels remedes seront profitables
ou non, pour apporter secours à
icelles indispositions. C'est ce
qu'il nous faut tout presente-
ment practiquer en ce lieu, & de-
monstrer par l'anatomie des vei-
nes & arteres qui sont enuoyees
aux yeux, que le periscythisme &
hypospathisme ne peuuent em-
pescher que la fluxion & catarrhe
ne tombe sur iceux.

*An 3. liure
des parties
des animaux
chap. 4.*

Nous ne croyons pas que les
veines viennent ou ayent leur
origine du cerueau, ny qu'elles
descendent du haut de la teste
aux yeux, comme plusieurs ont
pensé: car avec Aristote nous re-
iettons ceste ancienne opinion
comme faulse & hors du chemin
de l'anatomie, lequel routesfois
nous deuons tous recognoistre
pour la principale guide du che-

min que nous cherchons icy.

Que l'on recherche dans tous les auteurs qui ont parlé de l'anatomie des yeux , ou qui ont seulement décrit la distribution des vaisseaux : ou en quelque autre sorte parlé de l'angeologie & departement particulier des canaux disposez par la nature pour porter la vie & la nourriture aux yeux : il ne se trouuera que deux sortes de vaisseaux destinez à cest effet, i'entends de veines & d'arteres : Les vns viennent de dehors, & comme externes qu'ils sont, n'enueloppent & ne sont disseminez qu'aux parties externes d'iceux, à sçauoir, en la tunique conionctiue & aponeuroses des muscles, & en la membrane interne des paupieres, où ils sont dispersez, ramefiez, finis, & terminez en vn si grand nombre de petits ruisselets capillaires, qu'ils ne

Voyez les écrits anatomiques de Galien de Vesal, Vassée, Sylvius, Paré, du Laurens, & autres, & vous trouuerez que il n'y a aux yeux autres vaisseaux que ceux dont nous faisons icy mention.

peuvent estre mieux apperceus, sinon quand il y a quelque legere inflammation en ces parties, que l'on appelle Taraxis. Les veines viennent d'un rameau des iugulaires externes, lequel montant en haut le long des ioües, s'aduançe obliquement par dessus les léures, & s'estend par le grand *Cantus*, de chacun œil, d'où ils iettent les rameaux dans les parties mentionnees cy dessus, & delà, le rameau dextre & senestre s'unissent ensemble au milieu des sourcils, d'où procede la veine preparante ou frontale, que l'on appelle autrement veine droicte que nous saignons bien souuent pour les maladies de la teste: qui est celle d'ot parle Hippocrates, quand il dit, que s'il y a douleur en la partie posterieure de la teste, qu'il faut ouurir la veine droicte du front. Les arte-

*En l' Aph. 68.
du 5. liure.*

res procedantes d'un rameau externe de l'artere Carotide s'en vont par mesme chemin, chacune de son costé disseminer & inferer és mesmes parties externes des yeux.

Les autres vaisseaux qui vont aux yeux sont internes, à sçavoir, les veines de la iugulaire interne, & les arteres des ramifications de la Carotide, apres qu'elle est entree dedans le crane, par le trou qui est appellé Carotide: Or tant les veines que les arteres accompagnant les nerfs optiques & motifs des yeux, sortent tous ensemble par le trou que l'on appelle optique, & entrent dedans les orbites, & s'en vont tous inferer diuersement aux yeux, pour accomplir les vsages pour lesquels nature les a dediez.

Voila en somme les lieux, le nombre & le chemin, que tien-

*Siluius en son
introd. anat.
chap. i. parlant
des trous de la
base interne
du crane.*

nent les veines & arteres pour s'inferer aux yeux, selon l'opinion de tous les anatomistes, & comme il se peut facilement voir par la dissection & demonstration oculaire. D'où il appert qu'il n'en descend aucunes des parties superieures & externes, pour s'inferer aux yeux. Et partant qu'il n'y a point de vaisseaux pour y pouoir apporter les fluxions comme ont pensé ceux qui ont enseigné de faire le periscythisme & hypospathisme. A quel propos doncques tourmentons nous ainsi cruellement les malades, sous vn vain espoir de couper le chemin à vne matiere qui ne passe point par le lieu que l'on s'est imaginé a tort & sans raison? Que fil n'y a point d'autres canaux & conduits pour porter les fluxions aux parties que les mesmes veines & arteres qui s'inferent en icelles,

celles; on ne peut par consequent
trouver autre chemin pour ser-
vir de passage à la fluxion qui se
fait sur les yeux, que par les mes-
mes vaisseaux que nous venons
de declarer. Que si on dit que la
teste est partie superieure & plus
haute que toutes les autres par-
ties du corps, & pour ceste cause
qu'elle enuoye les humeurs aux
parties qui luy sont inferieures;
Nous le nions, & voulons prou-
uer le contraire au chapitre sui-
uant, j'entends en reception de
ses vaisseaux. Si d'ailleurs on alle-
gue que la fluxion se peut faire
par autres voyes que par les vei-
nes & arteres dōt est parlé cy des-
sus : Nous respondons qu'en ce
cas les deux operations que nous
entendons icy reprouuer, seront
encore dauantage declarées inuti-
les & sans aucune esperance de
soulagement pour le pauvre ma-

lade làguissant, sans parler de l'insupportable incommodité qu'il en souffriroit : ce que nous démontrons, & prouuerons cy après en son lieu, avec les réponses à toutes les autres objections que l'on pourroit mettre en auant contre la verité que nous défendrons deffendre sur ce sujet. Voyez doncques si la fluxion se peut faire des parties externes de la teste sur les yeux, & quelles raisons nous peuuent accompagner pour maintenir le contraire.

VII. Que la teste est partie inferieure en reception de ses vaisseaux, & partant que les parties externes & contenant d'icelle, ne peuuent enuoyer les fluxions sur les parties qui leur sont superieures quant à ce regard.

En combien de manieres se doit entendre

C'EST vne chose tres-bien recherchée, & encore plus cer-

rainement recognuë tant en l'es-
cole des Medecins, qu'en la pra-
tique des Chirurgiens, que les
fluxiôs se font tousiours des par-
ties superieures & mandantes, sur
les inferieures & receuantes: aussi
est-ce vne des conditions requi-
ses pour faire vne fluxion, & que
nos auteurs ont autât bien des-
crite, qu'elle nous est certifiée par
experiences ordinaires. Mais ce-
ste situation superieure s'entend
& s'explique en diuerfes manie-
res: Car si nous suiurons le dire de
quelques anciens, nous dirons
qu'il n'y a point en l'homme de
parties hautes ny basses; ains seu-
lement que le milieu d'iceluy est
le centre, & le point auquel tou-
te la circonferêce se doit rappor-
ter comme à son principe. D'au-
tres disent que la teste est la par-
tie superieure del'homme, & que
toutes les autres parties qui sont

*une partie
est superieu-
re à l'autre,
& comment
cela doit estre
entendu en ce
lieu.*

au deffous d'icelle, font les inferieures & subalternes: & pour ce ils appellent la teste l'empire & la racine de l'homme. Et d'autres confiderans la source & origine des veines & arteres, ont dit que le foye & le cœur estoient les parties superieures de nostre corps, à raison que les veines ont leur origine du foye, & que les arteres naissent du cœur. Desquelles opinions j'alleguerois bien les raisons qui ont incité les auteurs à croire ce qu'ils en ont escrit: Mais d'autant que cela n'est pas necessaire, & qui ne nous peut pas beaucoup ayder à nostre dispute, ie n'en parleray point dauantage: seulement diray ie que la premiere opiniõ n'est pas beaucoup esloignee de ce que nous voulons maintenir en ce liuret, ny discordante à la derniere opinion que nous y entendons fuiure: Car

non seulement nous recognoissons, comme ceux là, que le milieu de l'homme est son commencement & son origine : mais aussi nous voulons demonstrier avec ceux-cy, que le Foye, & le Cœur, sont ses parties superieures, eu esgard à la racine des vaisseaux : & que la teste, pour ce respect, est partie inferieure, & partant sujette à recevoir fluxion des parties qui luy fournissent de vaisseaux & de sang, pour sa nourriture & viuification. C'est ce qu'il nous faut prouuer maintenant, & faire voir à vn chacun, comme Galien l'a ainsi enseigné, & plusieurs autres apres luy, & par consequent que toute la partie cheuë & externe de la teste est inferieure aux yeux, & pource qu'ils ne pourroient recevoir fluxion d'icelle partie externe de la teste.

*Au liure de
l'intempera-
ture inegale
chap. 3.*

*Au premier
des prognost.
au liure des
tumeurs con-
tre nature,
Etc.*

*Guy de Cau-
liac, au chap.
general des
Apostemes.*

Premierement si nous voulons vous représenter comment se fait la fluxion, nous trouuerons la premiere preuue de ce que nous cherchons icy. Galien sous l'exemple de la generatiō du phlegmon nous voulant donner à entendre la maniere comment se fait la fluxiō, dit que le sang & les humeurs fluent des grands & notables vaisseaux dedans les moindres, & que d'iceux s'en vont dans les plus petits, & de la encore dedās de plus petits (que l'on appelle capillaires) lesquels en sont si enflēz & remplis outre mesure, qu'ils s'en desgorgent dedans & entre les parties similaires, tant qu'en fin l'humour se place & occupe tellement le lieu où elle est ietee, que elle la rend tumefiee, intēperee & malade. Desquelles parolles nous tirons vne telle consequēce. Puis que les veines & arteres qui vont

CHIRURGICALE. 55

aux yeux ne descendent point de la teste, comme nous auôs prouué au chapitre precedent: ains au contraire que les yeux precedent la partie externe d'icelle en ce regard, il est à croire que la fluxion qui fluë aux yeux ne peut prendre son chemin par là, ains du costé d'où ils reçoient leurs vaisseaux, vers lequel ils sont autant gros & amples, qu'ils sont petits & capillaires en ladicte partie externe de la teste là où ils finissent & sont terminez: tant s'en faut doncques qu'ils puissent descendre iulques aux yeux pour y apporter les fluxions que l'on s' imagine. Non que ie veuille dire par là, que la teste ne se puisse décharger sur les yeux: au contraire ie confesse que les plus grandes ophthalmies en procedent; mais non pas des veines & arteres qui sont és parties externes & conte-

nantes de la teste, que l'on pretend priuer d'usage par la cruauté du *Periscythisme* & *Hypospathisme*. Nous parlerons de cela encore plus expressément cy apres.

*Aus. liure de
la methode,
chap. 3. 4. & 5.*

Galien en vn autre lieu nous enseignant comment il faut arrester le sang en vne playe. Par le moyen du bandage, dit qu'apres auoir faict quelques tours & circuits sur la partie vulneree, qu'il faut monter & conduire la bande vers les parties superieures, afin de repousser le sang vers le lieu duquel il fluë. Or il entend par les parties superieures la racine du vaisseau, comme expressément il le declare: mesmement par vn exemple des playes aux veines iugulaires, qu'il appelle *Sphagitides*, recognoissant qu'il faut bander & repousser le sang vers le tronc du corps, & non pas vers la teste. Ce qui est tres-bien obserué

obserué par nostre Guidon en
 plusieurs endroits de sa grande
 Chirurgie, & notamment quand
 il veut enseigner le ieune Chirur-
 gien à faire vn bandage expulsif,
 il l'admonnesté entre autres cho-
 ses de r'enuoyer les matieres vers
 les parties superieures. l'entens,
 dit-il, la partie superieure, celle
 qui est deuers le cœur & le foye,
 desquels naissent tous les mem-
 bres. Je diray encore plus, quel
 d'entre nous seroit si mal instruit
 qu'en vn flux de sang causé d'une
 playe en l'un des angles des yeux,
 ou au front, & que pour l'arrester
 il fut necessaire de lier le vaisseau
 qui ne fist la ligature d'iceluy au-
 dessous, en descendant vers les
 joues, & non pas en haut vers la
 partie superieure du front? Qui-
 conque le feroit autrement de-
 monstreroit appertement qu'il
 seroit ignorant en l'Anatomie.

*Traicté 3. do-
 ctri. 1. chapitre*

1. & 3.

*Tagant en dis-
 tant au 2.*

*liure de ses on-
 sif. de Chirur-
 gie chap. 4. &*

12.

D'ailleurs, quand les auteurs donnent qu'aux maladies des yeux, il faut auoir la teste haute & releuee, n'est-ce pas pour monstrier que la fluxion se fait du lieu d'où procedent leurs vaisseaux & nō pas de la teste mesme? D'autre costé quand ils disent qu'il n'y faut point en l'ophthalmie seigner des veines des temples, des angles des yeux, ny du front, & auparavant les seigneies des gros vaisseaux n'ont esté faictes, craignant (disent-ils) d'attirer trop abondamment sur la partie malade. Ne demonstrent-ils pas par là que les veines qui sont en dicte parties, ne sont que deppendances, abboutissemens, & terminaisons des autres? Cela est si clair qu'il n'y faut plus disputer. Nous concluōs donc en ce chapitre, suivant les raisons susdites, que la teste est partie inferieure, & que le

foye & le cœur sont superieures,
 & partant que ce seroit en vain &
 inutilement que l'on couperoit
 les veines & arteres du front par
 le *Periscythisme* & *Hypospathisme*,
 puis que lesdits vaisseaux ne des-
 cendent point de ce lieu là pour
 aller aux yeux.

*VIII. Que le Periscythisme & Hypo-
 spathisme ne peuuent empescher les
 humeurs de fluer sur les yeux.*

COMME il y a deux sortes de
 vaisseaux qui vont aux yeux,
 afin de leur fournir du sang pour
 les nourrir & viuifier : aussi y a-il
 deux sortes de fluxions qui se peu-
 uent faire sur iceux : L'une par les
 ramifications des carotides & iu-
 gulaires externes: L'autre par au-
 tres rameaux de la carotide & iu-
 gulaire internes, côme nous auôs

desia demonst^ré cy^d dessus. Or
puis qu'il est ainsi que la teste ne
se peut descharger sur les yeux
par les vaisseaux qui sont situe^z
au front, ainsi que nous venons
tous maintenant de prouver, il
faut croire qu'elle se descharge
par les canaux internes. Cela est
ainsi, que sert-il de vouloir inuti-
lement exciser les veines & arte-
res du front par le *Periscythisme*
& *Hypospathisme*, puis que par
ces incisions, quelques grandes
qu'elles soient, on ne peut empes-
cher que le cerueau vraye partie
mandante & superieure des yeux,
ne se descharge sur iceux par les
vaisseaux internes qui accompa-
gnent leurs nerfs optiques & mo-
tifs? C'estoit toutesfois bien l'in-
tention de ceux qui ont enseigné
ces deux remedes, de couper les
vaisseaux qui sont cachez profon-
dement; car ils recognoissoient

bien que c'estoit le chemin que
 tenoiēt les humeurs qui fluoient
 sur les yeux, comme il appert par
 leur propre dire, comme entre
 autres de Paul Aeginette en ces
 mots. *Quand, dit-il, plusieurs vais-* *Liure 6. c.*
seaux & profonds enuoyent grande *7.*
abondance de rheume aux yeux, nous
faisons l'incision dite Periscythismos,
&c. Mais on me dira, peut estre,
 que par ces vaisseaux profonds,
 ils ont entendus ceux qui sont ca-
 chez & distribuez par le Pericra-
 ne, ainsi qu'explique d'Allechāps
 au commentaire: Ou biē on m'al-
 leguera ce que dit Celse, que c'est *Liure 7. chap.*
 par des veines qui sont situees *7.*
 entre le pericrane, & le crane. Le
 espōs à l'un & à l'autre qu'en ces
 endroits là, il ny a point de veines
 ny d'arteres qui aille aux yeux, &
 ny a Anatomiste tant diligent &
 curieux qu'il puisse estre, qui en
 ay ie iamaïs remarqué entre le pe-

ricrane & le crane, & moins encore entre le crane & les meninges comme ils disent. Seulement il se remarque plusieurs petits vaisseaux qui sont espandus dedans le cuir musculeux de la teste, & non ailleurs exterieurement: l'entends qui puissent aller aux yeux. Aëce recognoist qu'il y a encore d'autres vaisseaux qui procedent des temples & s'en vont aux yeux, quand il dit: Que si la fluxion se faict non seulement par les vaisseaux qui descendent du haut de la teste, mais aussi par ceux qui procedent des temples, qu'il faut aduancer les deux extremités du Periscythisme iusques aupres des temples, & couper les vaisseaux sans toucher aux muscles. Ausquelles parolles il se remarque deux choses: L'une, qu'il croit que les veines & arteres descendent d'en haut pour s'insérer aux yeux. L'autre que les vaisseaux des temples se viennent

*Liure 2. sec. 3.
chap. 91.*

joindre en iceux. Pour la première nous auons suffisammēt prouué le contraire aux chapitres précédens. Et quant à la seconde, il ne se trouue point par l'anatomie ou dissection des vaisseaux qu'il y en ait aucun qui viēne des tēples s'insérer aux yeux. L'expérience de cela nous en rēdra aussi certain que la demōstration en sera facilement faite: car il se trouuera toujours veritable que les veines & arteres qui sont aux temples viennent d'en bas vers les clauicules, (comme celles qui sont au front,) & non qu'elles descendēt du haut de la teste aux temples, & d'icelles aux yeux. Mais posons le cas que cela soit, comment les pourroit-on couper par le *periscythisme* & *hypospathisme*, puis que telles incisiōs ne passent point plus bas que le sourcil? & que la communication & alliance que les vais-

seaux externes des yeux peuuent auoir avec ceux des temples, recevoir leur departement beaucoup plus bas ? Il y auroit bien plus de raison, ou, a mieux dire plus d'apparence de faire lesdites incisions, (si tant estoit qu'elles deussent estre faictes) au dessous des yeux, en les faisant demi circulaires en la partie inferieure des orbites: car par ce moyen ce feroit aller au deuât de la fluxion, en retrenchant le chemin par où l'humeur auoit accoustumé de fluer: Car nous tenons avec toute l'eschole de Medecine que la nourriture des parties & les fluxions qui se font sur icelles, tiennent mesme chemin. Or la nourriture des yeux vient d'en bas, & non des parties externes & superieures de la teste. Parquoy ils en receuront les fluxions: Aussi remarquons nous dedans la pratique

ctique des Medecins qui ont traité de la guerison des maladies des yeux , comme entre autres dans Guy deCauliac, que l'vn des premiers preceptes ou documens qu'il faut ensuiure & obseruer en la curatió des maladies des yeux, c'est de purger tout le corps en general : pource qu'il a creu que d'iceluy s'esleuoient & estoient enuoyees aux yeux les humeurs, vrayes causes materielles de la fluxion. Il est bien vray que la teste y contribué beaucoup, & que d'icelle principallemēt procedent les humeurs qui fluēt sur les yeux: mais cela s'entēd par les vaisseaux internes , que nous auons dit cy dessus, auquel cas l'ouuerture des vaisseaux exterieurs faicte par le *Periscythisme* & *Hypospathisme* ne sert de rien, suiuant le dire de Galien dás sa Methode, en ces mots.

Ma is quand le vice procede des vais-

*Traicté 6.
doct. 2. chap. 2*

*Au chap. 2.
du 13. liure.*

seaux qui sont cachez au profond du corps, lesquels parviennent du haut iusques aux yeux avec les nerfs, il ne faut rien faire des remedes dessusdits, c'est à dire, de l'incision des veines & arteres exterieures : pource qu'il auoit bien remarqué & obserué, que par ce remede on ne pouuoit arrester la fluxion interieure..

Livre 7. cha. 7.

Celse l'a ainsi recognu, disant que l'on peut remedier quand l'humeur fluë par les veines qui sont au dessus du test, mais non pas quand ell'est euoyee par les veines qui sont au dessous d'iceluy.

Raison notable.

Mais comment pourroit-on par ces operations, couper le chemin interieur de la fluxion, puis que par *L'hypostathisme* on ne peut pas seulement en retrancher l'externe, qui est en somme l'intention pour laquelle ils se travaillent tant? car delaisant le cuir entier, comme ils veulent, ils de-

laissent aussi les vaisseaux extérieurs en leur continuité, à raison qu'ils sont estendus, & si estroitement liés & attachés en la propre substance de la peau, voire tellement coherents & tissus ensemble, qu'il est impossible de les pouvoir separer, ny par leur instrument spatulaire dont ils se veulent servir en cest œuvre, ny par celui qu'ils nomment *Scolopomacherion*: Aussi voyés nous lesdits vaisseaux ordinairement plus apparants & euidents en dehors, qu'ils ne sont en dedans vers le crane. D'ailleurs, comment ceste separation se pourroit-elle faire sur vn homme vivant? veu que sur vn corps mort il est impossible (ou pour le moins tres-difficile) de les dissequer distinctement & artificiellement, encore que l'on employe vne longue espace de temps pour y pouuoir satisfaire?

autre raison.

Vne autre raison se presente icy, qui est autant forte que toutes les autres : c'est que tout ainſi qu'il n'eſt pas loiſible d'empêcher la vie & la nourriture de paruenir aux yeux, & qu'inceſſamment il faut qu'ils reçoient des veines & arteres du ſang pour ſatisfaire à ceſte neceſſité : Ainſi eſt-il impoſſible de pouuoir iamais fermer le chemin à la fluxion, puis que les canaux de l'un, ſeruent de voye à l'autre.

*Comparaiſon
remarquable.*

Dauantage comme l'on ne peut pas empêcher les larmes de couler & ſe filtrer ſur les yeux, principalement quand il ſuruiét quelque triſte paſſion en l'ame qui rend le cœur feru & angoiſſé : & côme l'on ne ſçauroit diſtraire les mouuements de la nature en quelques autres affections de l'ame (côme en la hôte, en l'amour, en la ioye, ou en la colere) qu'elle

n'appelle à soy le sang, & qu'elle ne l'enuoye à la face, ou promptement apparroist vne rougeur extraordinaire, que bien souuét red aussi les yeux fort esgarez & brillants, sans qu'iceux accidents puissent estre empechez. Ainsi n'est il pas possible de clorre & fermer totalement le chemin a ces humeurs chaudes, acres, & corrosiues, qui fluent sur les yeux, par le *Periscythisme* & *Hyposthisme*. C'est assez demeuré sur cest article, quittós le pour en proposer vn autre, qui ne sera pas de moindre cõsideration que celuy cy: C'est de prouuer comment les fluxions ne se font pas tousiours par les vaisseaux dõt nous auõs discouru cy dessus, ains qu'elles sont bien souuent coulées & filtrées le long des nerfs, & des membranes, & partant qu'en tel cas les operations que nous entendons icy re-

prouuer, seront inutiles & vaines

IX. Que le Catarrhe, pour lequel les anciens pratiquoient le Periscythisme & Hypospathisme, ne se faisant point par les veines & arteres, demonstre assez que telles operations sont autant vaines & inutiles, que nous les auons desclarées crueles.

*Quatre choses
à considerer en
tous catarrhes.*

COMME en tous Catarrhes, generalement & principalement l'on considere quatre choses, c'est à sçauoir, la partie qui enuoye, celle qui reçoit, l'humeur qui est enuoyée, & les chemins qu'elle tient pour estre transportee d'une partie en l'autre: Ainsi en particulier au Catarrhe qui tombe sur les yeux, entre toutes les autres considerations, nous deuons soigneusement prendre garde & curieusement obseruer lesdictes

quatre choses: afin que de la nous
 puissions tirer quelques raisons
 pour fortifier & defendre nostre
 parti, lesquelles nous ferons pa-
 roistre autant fortes & preignan-
 tes que nous auons fait toutes les
 precedentes: Que si les philoso-
 phes, parlant du mouuement lo-
 cal, ont obserué & remarqué que
 pour auoir sa perfection, il estoit
 necessaire d'auoir l'ayde & inter-
 uentiō du moteur ou chose mou-
 uante, du mobile ou chose meüe,
 du lieu d'où il procede, par ou il
 se fait, & où il finit. Aussi deuons
 nous obseruer avec toute curio-
 sité & diligente recherche ces
 mesmes choses, quand quelque
 catarrhe ou transport d'humeur
 se faict d'une des parties de no-
 stre corps plus forte & valide,
 sur vne plus foible & imbecile.
 Voyous & appliquons cecy en
 particulier aux yeux.

*Aristote en sa
 Physique
 M. du Laurens
 en son liure
 des Catarrhes
 Chap. 2*

I.
Le moteur ou
la partie qui
enuoye.

Au liure des
playes de la
teste.

Le moteur, c'est à dire la partie qui enuoye, c'est la teste, non pas generally prise, comme font les anatomistes, mais spécialement & à la façon d'Hippocrates, pour le crane avec toutes les parties qu'il contient & encloist & toutes celles qui le couurent & environnent exterieurement. Car la teste estât le siege du froid & de l'humide, & de figure ronde comme vne ventouse, attire à soy les humidités des autres ventres, & parties basses: & à cause de sa situation facilement elle les reçoit, les retient, & s'en remplit: D'où vient que le cerueau encore fort & valide, estât oppressé & gonflé de l'abondance & mauuaise qualité des humeurs, s'en descharge sur les parties plus exposées à les recevoir, comme sont entre autres les yeux pour les raisons que nous dirons incontinent. A quoy ay de beaucoup,

beaucoup, ou pour mieux dire, excite grandement le mouuant externe, cōme l'air froid qui presse & exprime: l'air chaud qui fond les humeurs: les violentes passions de l'ame, les cheutes & les coups qui les esbranlent & font changer de place: & en sōme tout ce qui peut esmouuoir les humeurs à fluer: voyons pourquoy les yeux les reçoient.

Il ne seruira icy de rien, d'appeler avec Plotin & Synesius la nature magicienne, pour auoir enfermé tant de graces dedans les yeux: ny de dire, avec Platō, qu'ils sont celestes & etherés, puis que le grand nombre des maux esquels ils sont subiects, contrainct bien souuent les malades de souhaiter plustost d'estre aueugles & sans yeux, que d'endurer les grâdes & extremes douleurs qu'ils souffrent iournellement. Nous re

II.

*La partie qui
reçoit, c'est à
dire, le lieu o
le catarrhe e
receu.*

*Pour quatre
raisons princi-
ales les yeux
ont fort suiets
aux maux*

La premiere.

La seconde.

*Au. 3. de l'a-
ne chap. 7. &
hap. 3. de sens.
& sens.
calig. exerc.
197 sect. 2
Fernel chap. 11
de funct. &
humor.*

La troisieme

marquerons en cel lieu quatre raisons qui les ont submis & rendus si subiects à receuoir plus de maux qu'ils n'en peuuēt souffrir. La premiere c'est la societé, le commerce & le voisinage qu'ils ont avec le cerueau : car iceluy estant comme vne esponge, & neantmoins partie noble, principale & mandante, fournit abondamment & superfluellement sur les yeux plus d'humeurs qu'ils n'en peuuent contenir. La seconde c'est leur imbecillité, pource que estās de la nature de l'eau, froids & humides, (comme a main- tenu Aristote & plusieurs autres apres luy) ils sont à ceste occasion, debiles & foibles, attendu que les parties n'ont non plus de force qu'elles ont de chaleur. La troisieme, c'est le grad nōbre des vaisseaux & des canaux qui abboutissent & finissent en iceux.

La quatriesme, la multiplicité & diuersité des parties qui les composent: car c'est vne maxime en Galien, par toute sa methode, que commela varieté des parties nous fournit diuerses indications curatiues: ainsi le nombre & la difference des parties similaires, qui composent les organiques & dissimilaires, les rend d'autant plus subiects à la diuersité & multiplicité des maladies qu'elles sont differétes entre elles. Outre ces choses chacun sçait assez combien ils sont exposez aux iniures externes & à receuoir des ventres inférieur & moyen, quantité d'humeur & exalations: Mais d'autât que ce n'est pas icy nostre principal subiect; nous delaisserons toutes ces considerations pour parler de la nature des humeurs qui fluent sur iceux, pour lesquelles empecher on faisoit áciennemēt

le *Periscythisme* & *Hypospathisme*.

III.
L'humeur qui
est enuoyé.

Les humeurs qui fluent du cerveau, & qui par catarrhe peuvent couler sur toutes les parties du corps, mais principalement & spécialement sur les yeux, se doiuent cōsiderer en deux façons, c'est à sçauoir, en leur substance, & en leur tēperature & qualité qu'elles ont. Selon leurs substances nous disons que les vnes sōt subtiles, tenues & aqueuses: Les autres sont espisses, visqueuses, & grossieres: Selō leur tēperature & qualité no^r les recognoissōs le pl^r souuēt froides; mais quelques fois elles sont chaudes, acres, ameres, salées, ou autrement intēperées.

Or l'humeur que les anciens pretendoient empecher de fluer sur les yeux par le moyen de leur *Periscythisme* & *Hypospathisme* estoit, comme il disēt, de cōsistāce subtile, tenuë, & sereuse: & de qualité chaude acre & corrosiue fai-

fat tóber le poil des paupieres en
 les vlcerant , avec douleur poi-
 gnante & vlceratiue. Mais ce n'est
 pas encore de là, que nous pretē-
 dons tirer les raisons que nous
 cherchons icy pour les conuain-
 cre d'erreur : C'est des chemins
 que ces humeurs tiennent pour
 fluer & paruenir iusques aux yeux
 Voyons quels ils sont.

Les chemins que lesdictes hu-
 meurs suiuent pour fluer du cer-
 ueau sur les yeux , est ou par les
 conduits ordinaires , comme par
 les trous de la base interne du cra-
 ne , que l'on appelle optiques &
 motifs, & par les arteres carotides
 & veines iugulaires internes
 desquelles nous auons parlé
 cy deuant: ou bien l'humeur se
 coule, se filtre, & se respand par
 des chemins extraordinaires, cō-
 me le long des nerfs & des mem-
 branes; & ce ou interieurement

III.

*Quelchemin
 les humeurs
 suiuent pour
 fluer du cerue-
 au sur les yeux*

par le dedās du crane, ou exterieu-
rement le long du pericane, ou
entre iceluy & l'os: le ne veux pas
icy parler des cōduicts qui portēt
la nourriture qui viennēt d'ēbas,
lesquels par mesme moyen peu-
uent apporter fluxion : ny aussi
m'arrester dauantage à disputer
comment il n'y a point de veines;
ny d'arteres exterieures qui aillēt
du cerueau aux yeux ; car toutes
ces choses ont esté disputées suf-
fisamment cy dessus. Seulement
ay-ie intention de monstrier que
les chemins & cōduicts desquels
nous voulons icy parler, ne peu-
uent estre bouchés, ny l'humeur
empeché de fluer nonobstāt l'ob-
stacle imaginaire du *Periscythisme*
& *Hypospathisme*.

Si les humeurs suiuent les con-
duits ou chemins internes, elles
ne peuuent estre empechées de
fluer sur les yeux par lesdictes o-

operations. Ils en sont tous d'ac-
 cord, & n'ommet Celse en parol-
 es expressees dit, *Que l'on ne peut re-* Livre 7.
chap. 7.
medier quand l'humeur fluë par les vei-
nes internes, ny aussi quand elle fluë par
les veines de dessus & du dessous tout
ensemble. Luy mesme nous voulât
 enseigner le moyë de cognoistre
 si le catarrhe est externe, il nous
 fournit par consequent la raison
 qu'il nous faut pour luy respon-
 dre, disant que *Pour cognoistre si l'hu-*
neur vient de la partie externe, qu'il
faut raser la teste, & appliquer dessus
depuis les sourcils iusques au faist ou sō-
met d'icelle, un des medicamēs (que les
anciens nōmoient Anacollemata)
qui arrestent & retiennent la fluxion
pituiteuse, quand en l'œil y a lippitude.
Si (dict-il) par l'application de ce medi-
ament les yeux se seichent, cela monstre
que la fluxion tient son chemin par les
veines exterieures, &c. Je concluds
 d'ocques par là, que si on ne doit

point toucher à la fluxion interieure, & que l'on peut seicher & arrester par medicaments celle qui est exterieure, qu'il ne faudroit jamais entreprendre la pratique du *Periscythisme* & *Hypospathisme*.

Crainte perilleuse.

Mais comment pourroient ils savoir si c'est pour la fluxion externe que telles œuvres se faisoient puis qu'ils pratiquoient le *Periscythisme* sur les petits enfants incontinent qu'ils estoient venus au monde, encore qu'ils n'eussent aucune maladie ny douleur aux yeux, ainsi que recite Dallechâps?

*Au comment
7 de la Chirurgie française.*

C'estoit là vne rude & cruele precaution, en vn aage si bas, si tendre, & si delicat, & en laquelle les playes de la teste sont plus mortelles & perilleuse qu'en tous les autres aages de l'homme, comme a remarqué Hippocrates traitant des blessures de la teste.

Et pour en parler sainement, ie

croy

croÿ que tous ces vieux & inue-
 terés catarrhes desquels nous
 entendons icy parler, & pour les-
 quels ils entreprenoient ces deux
 cruelles operatiós, sont tousiours
 accompagnés de fluxiós interieu-
 res : Car eux mesmes disent *Que* Paul Aegine-
te
Liure. 6.
Chap. 1.
les malades sentent vne douleur vehe-
mente, poignante, & transperçante, au
profond de la teste, & qu'ils esternuēt sou-
uent : qui sont indices certains
 que la fluxion est interieure.

D'ailleurs, comment seroit il
 possible qu'en la partie plus haute
 & externe de la teste vne si grãde
 quantité d'humeur fut engēdrée
 & accumulée par vne si longue
 espace de temps? & que de cest
 endroit elles vinssent à entrer de-
 dans les veines par leurs anasto-
 moses, pour estre par apres por-
 tées aux yeux? C'est ce que ie
 ne puis croire, ny seulement pen-
 ser.

*Considerati-
on notable.*

Il y a bien plus d'apparence de croire que si l'ya quelque humeur subtile & acre amassée aux parties qui couurent le crane par dehors qu'elle descéd plustost le long du pericrane & du cuir musculeux par les vaisseaux, comme il appert quand ils disēt, *Que le malade sent l'entour du front comme si des vers ou fœmis remuoyēt & couroyent au dessoub de la peau, &c.*

*Paul au me-
me Liure
chap. 6.*

*Raison digne
d'estre remar-
quée.*

Cela estant ainsi, que seruiroit le *Periscythisme* & l'*Hypospathisme*, veu que les cicatrices qui demeureroient au lieu des incisiōs, ne seroient pas assez dures & calleuses pour empescher ceste humeur fereuse, subtile, & tenuë, de penetrer au trauers d'icelles? Car si toutes les parties du corps en general sont poreuses & transpirables, & sur toutes les autres les parties charnues, il est certain que la chair qui remplira les espaces

desdictes taillades, estant de substance & texture charneuse, permettra que les humeurs soiēt filtrées & transcollees comme par Diapedese au trauers d'icelle. Que s'il est ainsi que les humeurs peuuent passer à trauers des membranes, voire mesme aussi au trauers des os, comme aescrit Galien & Gui de Cauliac apres lui, ie puis abondroict conclure que la callosité, densité, & espaisseur qui pourroit estre aux cicatrices, qui restēt apres les susdictes operations, ne pourront estre obstacles suffisās pour fermer le chemin externe des humeurs chauldes, subtiles, sereuses, & acres qui fluent sur les yeux, & partant que ce seroit en vain & inutilement si on entreprenoit de le faire. C'est assez demeuré sur ce subiet, quittons le pour monstrier à descouuert les grandes deformitez qu'elles de-

*Au comment
sur l'apho. 54.
du 3. liure
Traicté 7. doct.
2. chap. 5*

laissent apres qu'elles sont faicte.

X. Que la beauté qui apparoit en la face, & la defformité qui demeure apres le Periscythisme & Hypsothisme nous doiuent empecher de les pratiquer.

*Traicté 3.
Doctrine 2.
chap. 2.*

*Liure 2.
Chap. 15,*

*Liure 10.
Chap. 14,*

TRES-BIEN & fort prudemment, a escrit Guidon, parlant des playes du visage, *Qu'il les faut traicter & penser si sagement, qu'en la reünion d'icelles il n'apparoisse aucune cicatrice laide & difforme, à raison, dict il, que c'est un membre de beauté.* A Calmetée en son Enchiridió dit qu'ès applications il se faudra fort estudier à conseruer la beauté & plaisance de la face. Paré dict le mesme, comme font aussi plusieurs autres sçauants & experts Chirurgiës apres lui. Voila pour-

quoy ils ôt tous, ensuiuant la pratique des aciës, ordonné d'vser de sutures seiches aux playes de ladite partie, plustost que toute autre espeece de futures, tant ils ont eu en singuliere recommandation l'entretien & conseruation de la forme & beauté de la face.

Non seulemēt ils ôt eu ce soing en la guerison des playes de ladite partie; mais aussi quād il a esté question de faire quelque incision en icelle. Et entre autre chose ils ont fort bien reconnu & enseigné qu'il ne falloit pas faire les incisions transuersaires au front, ny suiure en cest endroit les rides, encore que cela se face aux autres parties; ains qu'elles doiuent estre faictes selō la rectitude des fibres du muscle large ou frontal, autrement la peau estāt coupée de trauers selon les rides, tomberoit dessus les yeux; qui causeroit vne

*M. Pigray
liure 4. cha. 10
Et autres auteurs.*

*Guidon tras-
2. Doct. 2. cha.
2.*

*M. Guille-
meau en sa
Chirur. Fran.
traité 4. cha. 1.*

impuissance aux paupieres par laquelle elles ne se pourroient plus hauffer & releuer, côme il aduient en la maladie des paupieres que les Grecs appellent *Atomaton blepharon*, & les Latins *imbecillitas palpebrarum*. M. Paré dit auoir veu plusieurs fois arriuer cet accidēt. voycy ses parolles. *Aucune fois il aduient que la playe sera faicte au trauers des sourcils, en sorte que les muscles & pannicule charneux, qui les meuuent & esleuent, serōt du tout dilacerez & coupez. Adonc, dit il, les paupieres ne peuuent estre esleuées, & les yeus demeureront clos, de façon que le patient (s'il veut voir) sera contraint (voire apres la consolidation de la playe) esleuer de sa main ladicte paupiere: ce que i'ay veu plusieurs fois: & tel accident le plus souvent viēt de l'imperitie ou inaduertance du Chirurgien, faute d'auoir deuēment cousu la playe, & d'y auoir appliqué compresses, & faict ligature propre: & où tel acci-*

*oiez le meme
auteur en son
ure des ma-
adies de l'œil
lēt. 4. chap. 7.
Liure 10.
Chap. 24.*

dent seroit suruenu, faudroit couper & du tout amputer autant du cuir & du panicule charneux qu'il en sera besoin: afin que la paupiere se tienne esleuée en haut, sans que le patient soit contraint y mettre la main, puis faut coudre deuëment la playe de cousture de pelletier, &c. Voyons maintenant quelles raisons & conclusions nous tirerons de tout ce que dessus.

Puis qu'ainfi est que les playes en la face apportent de grandes laidurs & defformitez, notamment celles qui sont au frôt; & que les incisions transuersaires y sôt prohibées & deffenduës pour les raisons cy dessus alleguées; il n'ya aucune raison ni apparance d'y pratiquer le *Periscythisme* ny l'*Hypo* *spathisme*: veu que ce faisoit on fait des playes fort longues & profondes, & grandement larges & ouuertes, coupant entierement & transuersalement le muscle fron-

Raisons dignes d'estre notées.

tal, qui fera cause que la partie inferieure dudict muscle se laschera sur les paupieres, & s'abbaissera de telle sorte qu'elles, ne se pourront plus releuer, & ainsi les yeux seront tousiours clos & fermés, & par consequent la veue fort empechée, outre la grande defformité qui apparoiſtra en la face par les grosses & vilaines cicatrices qui demeureront apres lesdictes playes: car si vne playe beaucoup plus petite, peut causer tel accident, à plus forte raison le pourront faire telles incisions. Que si la paralyſie ſuruient en vn membre blessé, seulement pour vne incision faicte en vn nerf, combien pluſtoſt ariuera-elle quand non ſeulement pluſieurs nerfs ſont excitez, mais auſſi quand les fibres des muscles ſeront entierement coupées?

*Guidon traite
3. doct. Icha. I.
parlent de la
paralyſie*

Or que ce ſoit vn accident auquel on

quel on ne peut euitier si on pratique ces deux operatiōs, il est facile d'en comprendre encore d'autres raisons outre les precedentes, tirées du dire mesme de ceux qui nous ont voulu enseigner la maniere de les pratiquer. Car, disent ils, il faut separer & dilater les leures des incisions, tāt avec les ferrements, que avec la multitude des charpies, plumaceaux, & espōges preparées, de telle sorte que iamais elles ne se puissent reioindre & agglutiner: ains veulent qu'entre les espaces d'icelles il interuienne vne regeneration d'vne chair, & d'vne cicatrice, qui remplisse toute la distance d'être les labies de la playe. Ceste separation & esloignement des parties diuisées, ainsi faite par cōtraincte, est encore aydee & augmentée par la naturelle retraction

*Galien au 1.
Livre du mou-
vement des mus-
cles.*

que font l'une & l'autre partie du muscle coupé: car c'est une maxime irreuocable que les muscles incisez transuersalemēt, vne partie d'iceux se retire en hault, & l'autre en bas; & par ainsi il ne se peut faire autrement qu'il n'y ait vne grande separation, & qu'une grande partie du cuir du front avec le muscle large situé en celieu tōbera & sera abaissée sur les paupieres, avec impuissance de les pouuoir ouvrir si ce n'est en y mettant la main; d'autant que ce muscle là sert de beaucoup au rehaussēmēt d'icelles.

La mesme.

Que si Paré a esté cōtrainct d'en couper autant qu'il y en auoit de superflu tombant en bas sur les paupieres: combien plus en faudroit il amputer au *Periscythisme*, là où la playe est si grande, & où les lēures sont tant dilatées?

*Pratique de
Hippocrate
Livre 2. De
verbis.*

Hyppocrates ne faisoit pas ainsi; car il se contentoit (combien que ce fust trop) en vne pesanteur & repletion de teste sans fièvre, apres auoir osté les cheueux, de faire vne incision au front tirant cōtre bas, au lieu où se termine le poil: & apres auoir incisé & séparé la peau, & qu'il en estoit sorti du sang suffisamēt, il iettoit dessus du sel broyé menu, puis recousoit & rassembloit les bords de la playe avec l'aiguille enfilée d'un fil redoublé, ainsi que le recite d'Allechāps en ses annotatiōs aioustées.

En laquelle pratique il se remarqué six choses. La premiere que l'incision estoit petite. La seconde qu'elle estoit seule. La troiesme qu'elle estoit longitudinale. La quatriesme qu'elle n'estoit point faicte dans le front. La cinquiesme, qu'il n'auoit autre but

que de faire euacuation du sang. Et la sixiesme qu'apres l'euacuation faicte il recousoit la playe, & faisoit reioindre les labies d'icelle. Or il n'est pas ainsi du *Periscythisme* & de l'*Hypospathisme*; Car les incisions qui se font en icelles operations s'estendent depuis vne des temples iusques à l'autre, & penetrante iusques à l'os; & si elles sont plusieurs en nôbre au *Periscythisme* & longuement à faire: coupant en trauers toutes les parties que les ferrements rencontrent: & ne se cõtentoient pas de la grande euacuation du sang qui en procedoit, ains faisant les incisiôs dedâs le front mesme: & ne vouloit iamais que les lebares de la playe fussent rapprochées, ains au contraire les dilatoient & separoient le plus qu'ils pouuoient. Pour ces raisons & autres que nous auons

dict cy deuant, & dirons encore cy apres, nous ne conseillerons iamais de pratiquer lesdites deux operations: Mais bien plustost vserons nous des remedes suiuaus qui gueriront plustost plus seurement & plus doucement, & auxquels les malades se submettrót alaigrement, & les endureront patiemment.

XI. De quels remedes le Chirurgien doit vser au lieu du Periscythisme & Hypospathisme.

PVis que la douceur & humanité sont grádement recommandables à vn Chirurgien, & que telles complexions ont plus de force & de moyens pour attirer & conuoquer à soy les volonteiz plus distraites & desobeyssantes d'un malade, & qui peu à peu ont beaucoup de pouuoir pour

defraciner & mener à bonne fin les plus contumaces & rebelles maladies qui puissent affliger le corps humain : il n'y a point de doubte que les remedes avec lesquels ces choses sont accomplies, ne soyēt à preferer à ceux qui sont rudes, cruels, & insupportables par leurs extremes douleurs, comme sont entre tous les autres le Periscythisme & Hypospathisme : En la place & au lieu desquels pour la guerison des indispositions pour lesquelles ces deux operations estoient anciennement en vsage, il se faudra gouverner, & vser des remedes selon les regles suyuan-tes, toutefois avec l'aduis & conseil des doctes & experimentez Medecins.

niere de
re.

Premierement on fera tenir & garder vne bonne maniere de viure au malade en toutes les six

choses non naturelles, qui toutes doiuent tēdre à empescher la generation des humeurs que l'on desire oster, & à la consumptiō & dissipation de celles qui seront desia engendrees.

S'il y a quelque partie contenue au thorax, ou au ventre inferieur qui fut cause du mal, par eleuatiō des humeurs & vapeurs vers la teste, il faudra y remedier selon l'exigence du cas.

Mais sur tout il faut auoir esgard *Purgation.* à purger le cerueau, car la plus grande partie des maladies des yeux, procedent d'iceluy.

Il faudra donc non seulement purger & euacuer tout le corps en general, mais aussi en particulier la teste, & plustost par pilules qu'avec toutes autres formes de purgation, & reïterer autant de fois qu'on verra estre necessaire.

Saignees.

Les saignées seront faictes tant des veines des bras que des veines de la teste, à sçauoir de la frontale, des temporales, & principalement de la pupis: car en ouurant les veines exterieures, on euacuera aussi les interieures.

*Ouverture
d'arteres.*

Ce sera bien faict aussi d'ouurer les arteres des temples, si on recognoist en icelles de grands & poignants battements.

Ventouses.

L'application des ventouses sur les espaules & sur la nucque sera necessaire, quelquefois avec scarificatiōs, & d'autres fois sans icelles, & les reïterer souuent.

Sangsues.

Les sangsues seront appliquees sur le front, sur les temples, & es enuirs des yeux, afin d'euacuer les humeurs qui seront hors des vaisseaux.

Cauteres

Les cauterres ou fontanelles seront appliquez non seulement
aux

aux bras , mais aussi en plusieurs endroits de la teste, comme en la nucque, ou aux deux costez de la future lambdoïde , ou sur le vertex, ou sur la conionction de la suture sagitale avec la coronale , & en autāt d'endroits que l'on verra estre necessaire.

Les vesicatoires seront aussi cō- *Vesicatoires.*
uenables, en les appliquant aux endroits par où l'on recognoistra que l'humeur fluera.

Après les grandes purgations & euacuatiōs, sera bon d'vser des errhines ou sternutatoires, afin *Errhines.*
d'euacuer par les trous etmoïdes.

Les masticatoires seront aussi *Masticatoires.*
propres, afin de descharger le cerueau par les trous de la base interne du crane qui respondent au palais.

Faudra raser la teste, & appliquer dessus les emplastres Ana- *Emplastres.*

collematiques & Cephaliques,,
pour corroborer la partie, & re-
soudre les humeurs mentionnez..

Coiffe.

Le malade portera vne coiffe
picquée, dedans laquelle y aura
plusieurs pouldres faites de rou-
tes choses qui sont cephaliques.

Colires.

Les yeux seront lauez avec co-
lirés composez de medicaments
propres à l'indisposition qui sera
en iceux.

On pourra vser encore d'au-
tres remedes, comme l'on verra
estre bon par conseil. Ce que fai-
sant on se pourra fort bien passer
de la cruauté inhumaine du *Pe-
riscythisme* & de l'*Hypospathisme*.

*XII. Conclusion de tout ce que des-
sus*

NOus conclurons doncques
de tout le contenu cy dessus
que tout ainsi que la raison avec

le temps nous a appris qu'il ne falloit point vser de plusieurs autres operations que les anciẽs ont pratiquez & enseignez : comme de couper & brusler les arteres des temples; de couper les mamelles trop grosses aux ieunes hommes; de cauteriser le foye & la ratte avec fers ardans; d'appliquer grand nombre de cauteres aux enuiron du ventre des hydropiques; de brusler la hanche en la scyatique avec de grãds fers chauds; d'attacher vn homme sur vne eschelle les bras & iambes liees & garottees, & le precipiter d'vn lieu haut en bas, comme en l'estrapade, pour la reduction des vertebres luxees; & autres qui seroiẽt trop longues à reciter. De mesme la pratique du *Periscythisme* & *Hypospathisme* a esté delaissee, pour auoir esté reconnuẽ trop

cruelle & insupportable , de peu d'efficace, & nullement assurée pour la guerison de l'indispositiō pour laquelle ils les pratiquoiēt; Au contraire precipitoiēt les malades en eminent peril de leur vie , en causant vne maladie pire que celle qui estoit aux yeux, sans que toutesfois ils puissent couper le chemin à la fluxion , tant à raison que les vaisseaux par où elle se fait, ne tiennent pas le chemin qu'ils ont pensé, que pource que la teste est partie inferieure souz certaine consideration, & que la fluxion se faiēt interieurement: Ioint que la cicatrice qui reste apres lesdites operations ne peut empescher les humeurs de flüer & passer au trauers d'icelle: attendu qu'elles ne fluēt pas tousiours par les veines , ains sont coulees & filtrées le long des nerfs & des

membranes , qui est le vray chemin qu'elles tiennent en l'indisposition dont nous entédons icy parler. D'ailleurs la beauté & excellence de la face, & la laideur & defformité qui reste apres icelles operations, nous en doiuent faire cesser l'entreprise: veu qu'il y a en la Medecine & Chirurgie infinis autres remedes, avec lesquels on peut donner soulagement aux malades sans en venir à des operations si extremes. Bref pour conclusion nous maintenons par le moyé de toutes les raisons que nous auons alleguees cy deuant, & avec encore d'autres qui se pourront adiouster, que le Chirurgien ne doit iamais entreprendre la pratique du Peri/cythisme, & Hypo/spathisme.

FIN.

Dieu soit loué.

